

觀

象

玩

占

觀象玩占卷之二十四

北斗 總叙

北斗七星在紫微垣外太微垣北七政之樞机陰陽之元本也魁第一星曰
天樞二星曰璇三曰机四曰權五曰衡六曰開陽七曰搖光一至四為
魁亦曰璇璣五至七為杓亦為玉衡杓指龍向衡中南斗魁枕參首
樞為天璇為机為人權為特衡為音開陽為律搖光為呂又為帝
車運乎中尖而厲制四方以達四時均五行定紀綱為號令之主辰
曰北斗第一星曰正星主陽德天子之象也二曰法星主陰刑女主之象也
三曰令星主禍害四曰伐星主天理伐無道五曰穀星主中央助四方

殺無道六曰危星主天倉五谷七曰部星亦曰應星主兵又曰北斗
主天二主地三主火四主水五主土六主木七主金又曰一主秦二主楚三
主梁四主吳五主趙六主燕七主齊其星均明則國昌不則有殃若
天子不事宗廟不敬鬼神則第一星不明或变色若廣營宮室妾
鑿山陵則第二星不明或变色若不愛百姓驟異徭役則第三星不
明或变色若號令不順四時則第四星不明或变色若齊正樂好
徃声則第五星不明或变色若峻法濫刑退賢傷正則六星不明
或变色若廣聚聚金玉不循道德則七星不明或变色王者德合
天地則北斗齊明國祚永斗自暈及動搖皆為兵起

北斗小星多則天下安星少則怨上國人難叛

北斗自暈有破軍 北斗暗天下臣昔君

北斗動搖天下盡以兵死

北斗中無星二十日有赦北斗星色赤有兵色白為水色青春至夏
牛馬金石物貴夏至秋黍麥貴秋至冬粟麥魚鹽貴冬至春薪
菜貴而糴賤

法星色赤有兵色青君有暴疾色青白有白衣會色黃黑更幣
色黑有水大黑而白角環之有暴風雨

令星色青黑更法令天下不寧青有兵

伐星色青若赤大臣有憂色黃人主有喜

殺星色青米粟貴色亦菽貴

色亦黑髮貴色白禾黍貴色黑糴賤

危星色青有難國色亦有兵

應星色赤有兵色青有徒色黃君益地白有憂色黑有水春色亦利喜

雜干犯占

月入北斗天下大亂更主易政

月暈連環及北斗天下亂大國有喪民流千里有反地後賊有大戰

歲君入北斗口天下大亂易主有大水

木星守北斗責人下獄天下亂一曰木守斗東責人下獄守斗西大
飢守斗南五谷不熟守斗中人相食

災或入北魁中郝萌曰天下多獄廷獄坐之一曰責人有繫者孝經唯圖
曰天下大亂易主天子死五都亡期不出三年

火星守北斗甘氏曰天下亂諸侯並起天子憂郝萌曰多徙民宮宅賤
火抵北斗杓星女主用事

大舍北斗西人相食舍其東五谷不實舍其南木果不實舍其北天下
大兵戰

火與北斗閉巫咸曰有徙王移都宮破民去其鄉不出期年

鎮星入北斗天下大飢大亂有亡國更主

太白入北斗魁中玄冥占曰臣奪主位天子棄宮走天下大亂更改革命期
不出三年

太白犯北斗若守之人主禦守兵器國亂執政者憂貴人有繫者
辰星犯北斗天下大亂亡國更主

客星入北斗魁中昴萌曰貴人有下獄者一曰人主左右有囚者色黃白
釋免青憂黑死赤誅死一曰大臣諸侯憂一曰國易主將相戮

客星入北斗魁上下色青黑人主大憂 色赤外國與中國爭兵色黃白

人主有賀事

客星入北斗正星大人遇賊

入法星主凶

入令星執法令者死

入伐星蠻夷國以水兵至

入殺星大臣主馬者死

入危星國易政

入部星諸侯兵起子攻父弟攻兄

客星出北斗魁中天子自將兵國傾危民多苦甘氏曰有死君色赤楚

當之色青齊當之色黃衛當之色白秦當之色黑燕當之色荆州

占曰天子當之却萌曰有赦星大有大赦小則小赦昏期九十日

客星出北斗正星為政者易出法星主當之

出令星執法者逐於諸侯

出代星天子與夷夷和親

出殺大臣走

出危星天子令不行

出部星

石氏曰客星出北斗中如

赤鳥黑頭天子起兵

客星出北斗旗間兵大起貴臣誅主憂旗紫宮北斗兩間也

客星出北斗旁不入斗中貴人憂以色占之

客星離北斗柄中央色青相有憂 色赤有兵色黃白有赦

若相遇賊色黑相死

客星未居北斗旁帝王憂若有不臣者兵大起去北斗一尺期一

年二尺二年

客星來居北斗魁下色青黑中國有兵有大客

客星守北斗七星人君有大憂天下有大變大水道不通

客星抵正星有客星抵伐星人多死有女主疾有光環伐

星君疾 流星入北斗魁中天下亂大發兵將軍出期一

年石氏曰失名人或曰大臣有繫獄者以五色占吉凶曰流星入北斗外國有使以金玉來貢

大流星入北斗魁中大臣有叛者

流星入北斗應星中天下有赦

流星入北斗乙巳占曰兵大起還回使者奏事內亂為災

流星出北斗人主使人于諸侯色黃白有賀事色青

黑有憂事

色赤有兵事期二年

流星出北斗魁中兵起將出亦曰有赦曰色期年兵起色黃則有赦
流星出北斗斗東行齊魯鄭負兵南行吳楚負兵西行秦

晉負兵北行燕趙負兵不出三

流星出北斗部星天子伐諸侯天下服二年

流星出北斗正星執政者易期一年

流星出北斗令星天子使人行令于四方

流星出北斗伐星天子遣使於蠻夷為和

流星出北斗危星天子有出令

流星出北斗法星有變事兵起期一年遠二年

流星出北斗旁明知炬火狀如繒布長六七丈賊臣專制天下

期三年 流星拂北斗而過不出期年有戮臣

流星從南斗入北斗有赦

流星抵北斗天下有莽兵

流星抵北斗東行不出其年臣有戮死者

流星抵北斗正星大人遇賊

流星抵北斗法星有光人主疾無光女主疾荊州占曰流星

抵北斗法星法星色色青三日有兵期不出四月法星色青白九日有兵期不出十月

流星抵北斗令星兵起天下動搖

流星抵北斗伐星蠻夷以水兵未入國君抵破伐星兵戰多死人

流星抵北斗殺星流星無光五日君疾有九十日女主疾

流星抵北斗危星五谷不成人主有憂荊州占曰流星抵危星危亦
有兵黃土工兵白有喪黑有分國期年又曰流抵危星危不明五谷
不成國相去君憂

流星抵北斗部星大臣憂期六月流星色赤有大憂

郝萌曰流星數抵部星王者忌之

流星至北斗魁不入而居其旁荆州占曰貴人有避罪者

流星以冬至前後十日之內擊北斗柄天子當之期十日往失入北斗

魁天子奸利

彗星入北斗中國遣使之凶奴

彗字入北斗諸侯結謀凌天子天下大亂臣不有其君不有其父一日

帝室將空曰天下起兵相伐國易主一曰字入北斗天子出走一曰彗圍發兵諸侯爭權

彗字出北斗國易政兵起大戰先起者亡中起者歿後起者昌一曰臣

謀叛宮中火起 郝萌曰

彗出北斗長八九尺名曰勉切出則天子便政

彗字貫斗群雄爭天下

雲氣五采入北斗天子立太子近期百日遠二年

青雲氣立北斗七星從行則天子出令違四時橫行則天子出令順四時

青雲氣掩斗明日雨 青雲氣加北斗法星有大水狀如刀劍牛馬大損

青雲氣在北斗伐星下有兵國有憂期五月

青雲氣長竟天其末有星加伐星天下有大水有大獄

青雲氣壓北斗大而即至

赤雲氣覆北斗上兵起氣多兵多氣少兵少

赤雲氣加北斗法星或入之皆有兵三年乃止

赤氣入北斗大赤兵起宮廟防大災

赤氣入北斗魁中將相有受戮者亦為兵起

赤氣入北斗環繞之或出入北斗還鉤陳皆為大兵大戰流血主人
將死客軍勝

赤氣入北斗魁中兵起

赤氣出北斗魁前兵起

赤雲氣霧掩北斗明日大熱殺人

黃雲氣出北斗魁中天子出德令

黃雲氣歷北斗七星從君則君民有喜橫行則天子獨有喜

黃雲霧蔽斗明日雨

黃雲氣加北斗正星有兵不發有土工期一年至三年

黃雲氣加北斗法星八日君疾

黃氣加北斗令星有死將氣再三至有軍相對

黃白氣壓北斗不過三日有雨

白雲氣加北斗令星更法令糴貴鹽價五倍

白雲氣加北斗殺星有兵期一月遠一年

白氣如正練衝入北斗兵起大戰

白氣入北斗中幸臣有繫者出之禍除

白氣如車轉移入北斗下有流血大將死

白氣濛濛然有光自地起接連北斗大風即至

白氣加北斗正星三日不雨有大兵若白衣之會一日有土二期月老月
白氣加北斗危星有軍在外則戰則疾

黑氣集北斗旁大如帝狀如禽獸不出三日必雨不雨則胡入塞

黑雲氣歷北斗七星從行則天子有憂橫行人民有憂

黑雲氣加北斗正星有軍不戰 黑雲氣加北斗殺星有暴兵半歲罷

黑氣入北斗如鳥鳥如龍蛇變化為疾病人死亡不宜乳婦夷兵欺欺中

國宜察諫言防奸究

黑氣入北斗魁中貴人獄死

黑氣出北斗法星間不出一年有赦不出三年有大水

黑氣集北斗代星下代星色黃有兵事

青赤雲氣加北斗正星有水災一曰將軍死軍中有大水有移國更名者
一曰期一曰有兵三歲若五歲而罷

青白雲氣加北斗伐星色亦有兵期三月四月若一年雲氣加北斗伐
星之上天下變更將相死不則有赦五谷期三月

雲氣加北斗殺星相反大人疾盜馬牛賁繒綺賤期百二十日殺星色黑
有赤雲氣加之有兵憂

雲氣加北斗危星色青有憂黑有大憂黃有土工

雲氣出北斗應星中有移民色亦有兵黃主爭地

黃白氣入北斗有使從外一曰黃白氣入北斗魁中天子居右臣自者蒙德令
青黑氣入北斗魁中貴臣死獄中出則禍除

蒼白氣入北斗多大風入北魁中貴人不微一曰大臣謀叛

黃白氣入北斗天子遣使于諸侯

黃白氣加北斗法星有上工大暴貴

黃白氣橫北斗上下或出入北斗皆為國有喜

天晴無雲而北斗上下獨有雲後五日必有大雨

天子不明則恒有雲氣覆北斗虹蜺于斗主泣血強國起

輔星 總敘

輔一星附于開陽之旁所以佐斗成功也主輔正主危矯不平丞
相之象也其星欲小而明明近則輔臣親疏則輔臣非其人輔
星遠去斗五六寸則相死不死則出走近斗一二寸則臣迫主天
而明則臣奪君政小而明則臣不任職斗明而輔不明主強臣弱
輔明而斗不明則臣強主弱輔星明與斗齊則國兵暴起輔
合于斗十日兵起輔亡不見相死若近臣合黨排賢用佞則
輔生角臣擅國權欲謀社稷則輔生翼一日輔星生翼大將謀
天子驚不出三年主死臣為君輔生角江河潰決輔星入斗中相

下徵

雜干犯占

客星入輔星有言令若犯或守之色青相以罪免色赤相受兵若
將兵色黃白相有言色黑相死若黜

流星入輔星石氏曰相不治天子削之若出輔星相死若免犯之相
有憂

黃白雲氣集輔星相有喜

赤氣入輔星相受斧鉞之誅

蒼白氣入輔星相有憂

白氣入輔星相黜

黑氣入輔星相死

觀象玩占卷之二十四終

觀象玩占卷之二十五

天市垣列座

帝座 總敘

帝座一星在天市垣中候星之西天廷也人主之象也

咸曰

帝座一星神農所居石氏曰帝座天位也天之貴神張衡曰

帝座者帝王之位也帝座有五一在北極一在紫微一在太微一在天市一在大角一在中央皆王者之所居其星常欲光明潤澤則天子威德行微小則天子暗弱不明則王道失星亡則天子

憂天下亂兵起

雜于犯占

月犯帝座人主憂

五星犯帝座臣謀君天下亂兵大起人主有大憂

火星犯帝座石氏曰有逆亂一曰有自立者有徒王期百十日左右年
客星犯帝座人民亂宮廟徒一曰臣侵君

赤星守帝座朝廷有兵

流星抵帝座諸侯兵起臣謀主有更令期二年

流星出帝座天子使出以色占其事以星所以占國

彗孛犯帝座人民大亂宮廟徙天下更令期三年

候星 總敘

候一星在天市中帝座東北土官也主候陰陽伺遠國夷狄以知
謀 又主時貨財安靜而明則萬物同風王道行輔臣強微
小不明則輔臣弱王道衰星移則主不安星亡則主失位

雜干犯占

月犯候星劫臣有憂死者

歲君犯天候陰陽不和五穀傷人大飢兵起守之同占火土金水犯
守占同客星入天候士卒疫人有急行

出天候天下兵起相攻守之之客欲為主天下亂

流星旅候星兵起近臣相攻夷狄內侵王者憂

彗字犯候星兵起天子宮闈易改

彗字出候星天子宗族相攻天下亂士卒有急行一曰大臣謀反

宦者 總敘

宦者四星在帝座西南帝旁之屬人也其星欲微則吉明盛則宦

豎弄權不見則閹宦憂

雜干犯占

月犯宦者侍臣誅戮不出期年

五星犯官者天子左右侍臣有誅者期不出其年守之同占

客星犯官者官者滅亡

客星守官者貴人不能守其貴一日貴人讓位

流星入官者憂 抵之官者誅

彗星出官者官者謀作亂 犯之官者誅

黃氣入官者官者受賜 赤氣入官者官者誅

黑氣入官者官者死 赤氣出官者官者作奸弊主

宗正 總敘

宗正二星在天市中帝座東南宗正大夫之象也又曰宗正帝宗也主

宗正人又主萬物之若品類於市其星明大則帝宗強失色則宗正事移徙則帝宗有憂

雜干犯占

五星犯守宗正石曰左右群臣多死有更令人主憂

客星守宗正天下更令一日人君不親宗族

客星出宗正若守之不久帝族群臣多死

流星入宗正左右貴人多死帝族主業者若后族

流星貫宗正人主棄其宗族

彗星出宗正王者不親宗族宗人謀亂其國以亡

彗字犯宗正宗正有事

宗人 總叙

宗人四星在宗正東主恩享宗正小宗之象宗人大宗之象也
其星明大方正則族人有序人主康寧動搖則宗族不知天子親
族有變事離折則族人離

雜干犯占

彗星犯守宗人石氏曰天子親族貴人有憂后死者曰宗親有
離絕者

客星宗人貴人有死者

客星出宗人天子親族多死一日王者不親宗族宗人不和

流星入宗人天子親戚為亂或曰宗族中有變事親戚離不出

其年

彗孛出宗人卜曰宗正

宗星

總敘

宗星二星在宗人東北候星之東主先人詞亨主別親疎宗室之
象也其星明而相近則帝宗相親離拆則宗人携二后有謀者
天子惡之又曰宗星明別族人有讎暗則宗室衰詩

離干犯占

五星守犯宗室甘曰宗室大臣有分離者

客星守宗星占同宗人

流星抵宗星王者不親宗族宗室相疑以親疎一日宗人有變事
彗孛犯宗星宗人離出之占同宗正

帛度

總叙

帛度二星在天市中宗星東北主度量平貨交易星明大則尺
度平商人不欺不明則反是

離干犯占

客星生彗孛犯守帛度布帛絲菜大貴

屠肆

總叙

房肆二星在帛度東北主屠宰其星微暗則魚肉貴

雜干犯占

星明則大市中多宰殺細微則不然

列肆

總叙

列肆二星在斜星西北註市貨星移徙則市肆不安

雜干犯占

五星守列肆市肆兵起

斗星

總叙

斗五星在市中宦者西南主平量星明則吉不明則五穀不成星

亡則歲大飢人相食斗斛不用覆則歲穰价則天下斗升不平

雜干犯占

熒惑守斗市糶貴人其中貴十倍石氏曰斗斛不平倉吏有罪
流星抵斗斛權量不平市吏有受一曰五穀貴斗斛不用
彗孛出斗斛斗斛不用天下大亂人飢流亡

斛星 總敘

斛四星在樓市北斗星南亦曰天斛主度量占與斗同

雜干犯占

木星守之則得忠臣陰陽平

車肆

總叙

車肆二星在天市中南門內主車駕又為車買之區主百貨其
星明則吉暗則國車中運行

雜干犯占

客星彗孛字犯守車肆天下兵車大動

市樓 總叙

市樓六星在市門中箕星之上 天子之市府也主司闡開市價律度
其星欲忽忽不明太明則賦斂重太暗則市吏不理星移動則市
價殊不具則兵作於胡人中國亦以兵相害不見則國政乱石氏

曰市樓亡天下易改却萌曰市樓陽為金錢陰為珠玉星不備則天下幣大亂有變動則各以其所主占之

焚惑乘市樓天下易幣

客主彗孛犯守市樓皆為市中有兵亂

七公

總敘

七公七星在招搖東橫列貫索之口天之輔相主疑議石氏曰七公者三公廷尉之象主執法別善惡之官其上星上公也次星中公也下星下公也七公皆明則輔相周又曰七公星大而各明則議臣忠國法平差疾則微寬酷微細不明則疑議不決人主

有憂連貫索則天下亂移入河中則人相食

雜干犯占

五星犯守七公黃帝占曰民飢君不安石氏曰輔臣有謀議臣相疑若有誅者人主憂

火星守七公玄冥占曰天下亂兵起

客星出七公將相憂御人戮一曰議臣坐罪直言者有凶
客星守七公天下飢君不安

流星入七公人主信讒殺直臣凶人起兵議受誅期一年

流星經七公石氏曰兵將出

彗字犯守七公巫咸曰宰相三公受誅一曰忠言受誅王者信諫其國敗亡

貫索 總敘

貫索九星天市垣外七公之前一曰連營一曰天圍亦謂之天牢賤人之牢也繩奸律暴其口打開謂之牢戶中央大星監也牢中小星不欲其多星多則囚多少則囚少牢中無星則天下獄空牢戶開則有赦迫促不開則刑獄煩酷牢監左右徒倚不居其處若不見不出十八日有大赦牢星直而抵織女天下有乞微布帛之令星移入漢中則大飢人相食起兵荊州占曰天

半九星皆明則天下獄煩一星不見則奸人入二星不見小赦三星
不見則大赦動搖則斧鉞用一日天中中空則改元若開口及
星入中則獄有擊死者又曰恒以五子曰夜候貫索一星不
見則有小赦二星不見則有賜祿三星不見則主人德令行且赦
甲期八日丙期七日戊期六日庚期五日壬期四日

雜干犯占

月犯貫索天下獄不平

月暈貫索不出四年有內禍匿謀之事

歲星犯貫索平歲曰天下亂多獄事兵大起貴人有死召臣曰

歲星中犯乘守天牢天下獄多不平一曰以獄為亂

熒惑入貫索荊州占曰天下有賊一曰旱或曰水灾一曰歲飢人相食黃帝占曰赦

火中犯三貫索天下獄多不平

火守貫索獄因多寃荊州占曰大旱名水絕一曰有赦守二十日小赦三十日以上大赦至歲曰天下亂多獄事兵起人多死

鎮星犯貫索天下獄多不平兵起貴人有死者

太白犯守貫索玄冥占曰以獄起兵大人受巫咸曰天下亂多獄事兵起貴人有死者

辰星犯貫索刑獄煩多兵起天下亂

客星犯貫索有故石氏曰不有大赦必有天獄民叛君亡不過三年
客星入貫索天下多死人色黃諸侯有一土地坐法者

客星出貫索有大赦荊州占曰國亡地齊伯曰大臣謀反貴人不獄
客星守貫索有赦守之久大赦守三日即去之小赦流星入貫索天下
有大赦多死者一日女主死者有兵

流星出貫索其國貴女死

流星犯衝貫索人飢疾病王者大憂

彗孛出貫索大臣有反者有大赦

蒼白氣入貫索中天子憂亡地出之禍除

赤氣入貫索中有內亂兵起

黃白氣入貫索中天子有喜又曰諸侯有以地賂天子者出貫索
天子以地予諸侯

黑氣入貫索大人忌之

赤白氣入貫索欲多枉死者 赤氣出貫索內兵出

天紀 總敘

天紀九星在貫索東九卿也又為九河一曰天緯主紀萬事理冤訟存
齊明則王法無偏天下不怨散亂則紀綱亂有易政死主若山崩

地震暗小則天下獄訟多不理星亡則國法壞亂集異書曰天紀
與女床合王者淫亂亡國 郝萌曰天紀入漢別人相食

雜干犯占

歲星犯天幸臣執權有兵起王者憂

熒惑犯天紀石氏曰天下兵起相攻 郝萌曰

火合天紀西人飢相食合東五穀不實合北木果不實合南天
下戰

熒惑守天紀平咸曰天下相攻殺石氏曰人飢君不安春秋文耀鉤
曰幸臣執權有兵起

火犯守天紀甘氏曰天下亂地震山崩有亡國

鎮星犯天紀占同歲星

太白犯紀若守之有兵亂石氏曰幸臣

執權兵起王者憂一曰大旱大飢大臣為亂兵起宮中

辰星守犯天紀占曰太白同

客星入天紀有拘主黃帝占曰諸侯舉兵天下亂

客星出天紀臣執權兵起宮中君后出走期二年

客星行歷天紀君不安彗字犯天紀地震天下國相代

彗字出天紀大臣相殺兵起宮中君后出走期二年

彗字天紀天下怨訟不理石氏曰大臣亡

流星入天紀臣為亂兵起宮中后出走

女床 總敘

女床三星在天紀北後宮女御也為嬪妾所居之宮主侍從宮官其
星大小相則后妃安後宮吉微暗則后宮不安明暗失列則嬪妾
無序明大芒角則宮女放恣動則後宮有變不見后妃多病

雜干犯占

五星守女床荆州占曰後宮有奸謀甘曰兵起宮中后妃暴誅期
一年百八十日遠一年

客星犯女床貴人誅

客星入女床部萌曰有妖女來誤王者荊州占曰天下女子有憂

客星守女床強臣執國命後宮女有凶

流星入女床後宮貴女有暴諸者

彗字犯女床後宮有挾客者后妃有凶

彗字出女床宮人有諸主者

黃氣出入女床後宮有子喜

青氣出入女床有病者

白氣出入女床後宮有喪

黑氣入女床有死者

赤素出入女床後宮有兵

觀象玩占卷之二十五終

觀象玩占卷之二十六

角宿雜座

周鼎 總敘

周鼎三星在攝提西南國之神器也星明則國安移徙或不見則運祚有厄動搖就聚則神器將移

雜干犯占

彗字出周鼎天下革命

天由 總敘

天田二星在左角北天子畿內躬耕以供祭祀之藉田也主畿內封疆

星亡則郊廟之禮廢農民大失業

雜干征占

歲星守天田五穀大豐

熒惑守天田天子不敬郊社國有大災荆州占曰日干

五穀不成

太白守天田春秋文曜鉤曰人君發大兵為殘賊則

太白入守天田五穀不收

辰星守天田大水傷五穀

客星入天田天下焦旱五穀不生多蝗蟲

天門 總敘

天門二星在左角南平星之北天子侍朝聘賓客之所也其星明則四方歸化不見則兵革起闕梁不通四方阻絕

雜干祀占

熒惑入天門去而復還闕梁不通

熒惑守天門國絕祀

太白舍天門中荊州占曰人主無 出國門之遠宮宮門之中有伏兵

客星入天門諸侯有謀

流星入天門有諸侯之使來

玉道

總教

平道二星在左右角間天子國中人違之衛也主道終其星明正則吉動
推別法駕有虞

雜干犯占

歲星守平道甘氏曰天下隱士并用

熒惑守平道平下兵亂

太白守平道甘氏曰天下兵亂

客星犯平道諸侯不朝奸人橫行一日天子城行幸

孛星出平道天子城行幸

進賢 總敘

進賢一星在平道西太微垣東主舉逸搜賢星明則賢人進用不明則賢人在野

雜干犯占

月暈進賢野人獻策

五星犯食進賢賢人廢棄

火星守進賢野人多誹

木星守進賢文士大用

土星守進野逸舉用

金星守進賢野逸誅

蒼白雲氣入進賢賢相黜野逸憂

白氣入進賢野士喪

黑氣入進賢賢士憂

黃氣入進賢賢士有思故

平星 總敘

平星二星在左角南庫樓北大理卿位主正法平獄訟其星欲明而正直大小齊同則君臣和正令行不明或差戾不正則君臣不和政荒法亂石氏曰平星執法之官欲其齊等廣狹有常高下不差則為

萬物成天下安

雜干犯占

歲星犯平星執法臣憂若有罪誅期一年

熒惑犯守平星石氏曰兵起國亂以亡甘氏曰執政臣憂又曰有赦出賢
太白犯平星春秋文耀鉤曰主命傾守之執政臣憂

客星出平星庫吏不忠有瘡黜石氏曰賦歛之臣憂

流星入平星執法令者憂若出之臣有瘡黜者期百八十日

彗星出平星執法臣憂政令不行國失綱紀石氏曰以峻法為滅天下亂

庫樓

總敘

庫樓十星在角南其六大星為庫南四星為樓一曰天庫金官也
是為兵車之府庫中十五星三三而聚者柱也中夫四小星衡也主
陳兵庫樓明大而芒則角兵起車騎用庫中星眾實則天下兵
強虛則諸侯謀反庫中無星則天下皆反動搖則戎馬驚一曰天子
征伐四夷庫樓五柱皆動則五將皆行五柱生角多芒則天子兵
盡合庫日生不具則兵半出五柱皆不見兵車悉出天子自將一曰庫
中無星則臣下謀上庫盡空則國無君石氏贊曰庫樓之中兵所
藏其中欲其實惡虛焦延壽曰樓星上近侯則王者殿樓有飛
不知其處若有天火燒之者

雜干犯占

月入庫樓天下兵並起

歲星犯庫樓兵出一曰民飢舉兵

歲星入庫樓天下有旱災

熒惑入犯庫樓兵出視其出之所之以知兵之所往石氏曰火入天庫兵大

起郝萌曰 歲星天下有驚守之三十日國有急諸侯兵悉發又

曰守一月則兵亂十年乃止

鎮星入庫樓王者舉兵出伐大吉

太白入庫樓守之三日兵起西北方若舍之三十日大將出諸侯兵悉發

太白未守天庫中國兵所向無不勝有自來之王恃其國民來中國有喜
辰星入庫樓大水國以水起兵荆州占曰斧鉞用大臣誅

客星入庫樓飢兵起一曰邊郡兵起天子有事于夷一曰夷兵起官兵憂
客星犯庫樓五穀大貴入其中羅石百處其旁石五十

客星出庫樓兵大出車騎行若守之邊兵大起

流星出庫樓兵大起隨星所之

流星犯庫樓王者大愛兵大起

流星入庫樓兵發車騎出一日流星出入庫樓兵悉發天下空

彗字出庫樓兵動發高主召氏曰天下兵悉起庫兵大發一曰民以飢

起兵一曰彗出庫樓近臣謀上

赤氣直如子尋槍竿衝庫樓天子自將兵大動中外震驚武庫官
憂天下不安

南門 總叙

南門二星在庫樓南天子之外門也主守兵其星欲明明則人主曰執法
正遠人入貢不明則臣不忠喪伏叛兵起君憂

雜干犯占

歲星守南門王者出田獵不出三十日

歲星犯南門石氏曰夷兵起道不通

熒惑犯南門石氏曰兵車大起天下戰一曰邊夷兵起道路不通

鎮星犯南門邊兵起道路不通

太白犯南門占同鎮星

辰星犯南門占同太白

客星出南門若守之關梁塞道不通人民憂

石氏曰南門中有小星三芒出兵車大出

流星入南門四夷兵起關梁不通

流星出南門大臣有外事

彗星出南門兵起道路不通

亢宿雜座

大角 總敘

大角一星在攝提間天王之棟樑亦為天子之位一曰格一曰天棟一曰
天幢正紀其星色赤而明甘氏曰大角光澤明大楊芒奮角則
強臣伏誅天下安寧芒之所指兵從之往吉石氏曰大角明則天子
威行星亡則天子失號大角失色青憂白喪黑戾皆為天子當之
又曰大角不明則強臣變主天子衰弱大角不見則主者滅亡大角數
動則人主好游不安其宮動則臣下有以惡事劫主者

雜干犯七

月犯食大角強國戰不勝大人憂有太長國亡一曰月犯大角 天疾有水

災大角黃月王者惡之

五星犯守大角臣謀主有兵起人主憂王者戒慎左右不必出八十日遠期
一年

火星舍大角東西都萌曰有位侯王

火星守大角海中占曰有亡國守之三日王者惡之期一年遠三年

太白守大角兵大起有亡國春殊文羅鈞曰天下亂兵起臣謀主貴人被
戮期一年

客星出大角兵起天下亂后守之二十日以上王者惡之國易政期三年

海中占曰臣謀主天子出大水城廓斯百日

客星入大角天子失席有奇令

客星守大角石氏曰臣謀上初萌曰天子衰天下憂

流星觸破大角兵聚四合天下有急令

流星刺大角人主失位

流星出大角天子使出盛明光耀大將出師視其所以占所伐

彗字出大角除舊布新先起者亡一曰有易

黑氣掩大角久而不散主命者惡之

蒼白氣入大角國有大喪

黃白柔如月近大角乍明乍暗兵起

青雲一道如子尋槍竿衝大角而過天子殿梁棟拆

攝提 總敘

攝提六星在亢北直斗柄之南一曰環樞一曰天樞一曰闕立一曰執法
一曰三老一曰天鈇一曰天鉞一曰天質一曰天武一曰天兵主建將節
祠機祥所以夾輔帝座又主九卿大臣之象其形如鼎足常東向則
天子吉昌北向則天子失位聖人受制巫咸曰天省左右角西南向人
主易姓又曰天眉色欲黃而潤澤溫溫不明則天下安明大則
三公恣天子弱鈇鉞用微暗則臣失職疏潤則公卿僭差移徙

則近戚有謀主者

雜干犯占

月入攝提聖人受制

月暈攝提火在暈中天下兵橫行不禁諸侯分政天下亂有異兵與

上爭立者

五星犯攝提臣謀君主出走有兵起期一年

火星句已攝提天子亡入之兵聚

昴明曰火星守左攝提左校兵作守右星右校兵作

太白入犯天有強臣謀主兵起敵野一日衛之臣有謀期二年

客星入天有謀臣在側聖人受罰

客星當攝提口將受主祿不為主用

客星含攝提角不去天下有開倉者

河圖曰客星出攝提若守之天下大亂臣謀居人主自將兵起宮中
不出其年

彗孛出攝提天下大亂帝自將兵于野兵起宮中王者憂期不出三年
流星入攝提外國以兵為使來若有意出之王者以兵使犯之公卿
不安

青雲彗入攝提九卿有憂

黃雲氣入攝提九卿有賞

赤氣入攝提文有用

黑氣入攝提大臣誅

拆城 總敘

拆城七星在亢南天子執法之官也主斷獄郝萌曰拆城移居積卒間
別兵天起中國傷邊將死

雜干化占

月行拆城中天子亡滅

五星守犯拆城邊將有棄主反者

彗字犯拆威違時受戮

蒼白彗入拆威中大臣為亂兵起天子失威出之則禍除

赤彗入拆威中大臣反天子自出將兵

黃白彗入拆威外國有來求和親者

黑彗入拆威天子惡之出之則禍除

黃白彗出拆威天子有德令

頓頑 總敘

頓頑二星^並折威東南獄官也主考察情偽其星明則獄平暗獄濫

雜干犯占

五星守頓頑貴人下獄有誅者

陽門 總敘

陽門二星在庫樓東北主邊塞險要動搖移徙則邊地有變

雜干犯占

客星出陽門夷狄犯塞

客星入陽門五兵藏

赤氣入陽門邊兵起有戰

氐宿雜座

招搖 總敘

招搖一星在殺河北次北斗杓端一曰常陽二曰天庫一曰天

矛主兵又為矛盾之象主夷狄欲其小而明若明大而角動則胡兵
大起四夷昌中國微黃帝占曰招搖梗河與天棟相直則胡常來
受命中國不相直則胡人叛招搖雜其處名曰開庫開庫則
兵奔動搖則兵四行九州震春秋緯曰矛盾動搖若角天下
弑主禍從中奔又曰臣主相誅則矛盾角羅星亡則兵起人主遇
賊荊州占曰招搖色青有憂赤白而明天子有怒黃白小明則天下
安靜小而軍弱恃怯又曰矛盾動則近臣恣

雜干犯占

五星犯守招搖胡兵大起一日犯之胡人為寇邊軍大起若守之胡人敗
胡王死

木星入招搖荊州占曰兵起馬多死

火星歷招搖遠夷有相殺者荊州占曰邊將有不請命而誅夷狄者
土星犯招搖胡為寇兵大起守之胡人敗胡王死

荊州占曰土星守招搖兵罷不用

客星犯招搖胡寇大入

客星入招搖南夷來降且真奇物

客星出招搖歲旱多風夷狄勝石氏曰兵大起胡人亂胡王死

客星守招搖將不為主用胡兵起石氏曰胡君死民亂一日變夷國亂

君死

流星起招搖兵起視其所之知兵所之

黃帝占曰流星犯招搖胡大敗 招搖四夷兵未

彗星出招搖胡兵敗

彗星犯招搖胡兵敗胡王死

星孛入招搖兵大起變夷國亂有死君

蒼白彗入天子正中之將死一日相死三夜不出大人愛出之其禍除

赤彗入天子正中之兵內起大將為亂

黃白氣入天子正中之有軍軍敗無軍有獻兵者

赤氣出天子兵起大戰

黃白氣出天子以善出師

梗河 總敘

梗河三司在大角北主矛鋒以備天子不虞一曰天盾一曰天鋒天之
劍戟主誅罰其星明而不動則邊鄙安天下寧明大芒角動操
則邊夷兵起胡人為寇梗河與玄戈相向則兵大起石氏曰梗河主
殺在北斗杓端所向無前主胡兵芒角大明則胡兵大起黃帝占曰
梗河主喪星不見則國有喪石氏曰梗河亡不見三日國有謀兵不
見七日有大喪以其初不見日占國

雜干犯占

五星犯守稷河國有兵謀王咸曰四夷兵起未侵中國邊境有憂
客星犯稷河謂入黑為武并州占曰天下兵起

客星入稷河兵大起

客星出稷河胡兵入人主憂

黃白星出天省石氏曰天子用兵

赤星出兵內起大將為亂

蒼白星出將有疾黑星出將死三夜不去天子多殺戮

客星舍稷河石氏曰強凌弱胡兵起海中占曰天下大風拔木

流星犯梗河王者誅四夷一曰胡兵胡王死

彗孛犯梗河胡兵起

彗孛出梗河天子誅四夷

黑彗出梗河兵起大戰

赤彗出梗河國兵大出

赤彗入梗河有大戰

蒼白彗入天楯正中者悖死

帝席 總叙

帝席三星在大角北天子燕樂獻酬之所也星不欲大明大明則臣外其心動搖則君不安不見則天子失位

雜干犯占

五星犯守帝席臣謀主有逆亂

客星出帝席或犯守之天子不可出宮下殿

孛星犯帝席天子出亡天下大亂

亢池

總敘

亢池六星在亢北主泛舟迎送度水之事一日伐津星不居亢度
中則廟中火有恠以主司日見則壽終一日亢池數則天下不通
一日亢池主水道星微暗則水壞廟

雜干犯占

五星犯守元池大水百川皆溢

火星犯之海水魚死

客星守元池石氏曰水蟲多死

客星出元池宗廟有盜

天乳 總叙

天乳一星在氐比主雨露明則甘露降

雜干犯占

客星字干犯守天兩爵錫

陣車 總叙

陣車三星在氐南華卓之象星動則兵車動

雜干犯占

客星守陣車兵車滿野內兵無禁

騎官 總叙

騎官二十七星在氏南天子宿衛騎士一曰輕能金官也主守禦防
不虞星衆則天下安稀則騎士畔微小不見則守衛散出天下兵
芒角動搖則兵大起

雜干犯占

五星守入騎官兵大起馬多死

火星入騎官若守之大將出騎士憂郝萌曰有赦

客星出騎官車騎大發入守之同占

流星入騎官兵起騎將出馬多死期一年遠二年

流星出騎官石氏曰兵出從星所之

孛字出騎官英雄起天子憂甘氏曰騎卒奔若犯之將軍有死者

蒼白氣入騎官騎將死

赤氣入騎官騎士憂

黑氣入騎官軍中有疾病

赤氣出騎官騎兵大出

天輻

總敘

天輻二星在房西騎陣之象主鑿駕其星近尾則吉遠則天下
有謀害主者

雜干犯占

客星守天輻輦鼓有變

車騎 總敵

車騎三星在騎官南金官也為都馬之將主部陳行列變色動搖則
車騎行

雜干犯占

金火犯守車騎兵大起

客星守之西羗且未降

騎陣將軍

總敵

騎陣將軍一星在騎官東南端騎將也星明則性盛微小則將弱不能禁上士卒動搖則騎將出

雜干犯占

金火干守為兵客彗孛干守尤甚

觀象玩占卷之二十六終